



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FE-223, FA-V12	23/243

SØKNAD OM BYGDEUTVIKLINGSMIDLAR TIL BORDTENNISBORD - HUSASTYRET FOR FAGERTUN

Vedlagte saksdokument:

Søknad om bygdeutviklingsmidlar - Støtte til innkjøp av bordtennisbord

Kommunedirektøren sitt framlegg til vedtak:

«Husastyret for Fagertun» får tildelt inntil kr. 10 000,- i bygdeutviklingsmidlar til innkjøp av bordtennisbord for bruk på Fagertun leirstad i Eksingedalen.

Tilskotet utgjør 47 % av budsjetterte kostnader på kr. 21 200,-.

Tilskotet vert betalt ut på bakgrunn av faktiske kostnader etter kostnadsdokumentasjon, med kr. 21 200,- som øvre grense for "godkjent kostnad". Lågare kostnad gjev lågare tilskot.

Løyvinga gjeld i to år, fram til og med 01.03.2025. Etter dette fell løyvinga bort.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 500 000,- i bygdeutviklingsmidlar til fordeling etter søknad i 2023. Midlane skal fremje aktivitetar, opplevingar og lokalt bygdeliv i Vaksdal kommune.

«Husastyret for Fagertun» søker om kr. 21 200,- i bygdeutviklingsmidlar til innkjøp av bordtennisbord for bruk i samband med leiraktivitet og andre arrangement.

Med bakgrunn i søknaden sitt innhald, retningslinene til bygdeutviklingsmidlane og tidlegare praksis, går Kommunedirektøren inn for å løyvde inntil kr. 10 000,- til planlagt innkjøp. Dette utgjør 47 % av budsjetterte kostnader, og kr. 11 200,- mindre enn kva det er søkt om.

Bakgrunn for saka

Bygdeutviklingsmidlane skal fremje felles aktivitet, opplevingar og trivnad i grendesamfunna i kommunen.

Bygdeutviklingsutvalet har kr. 500 000,- til fordeling i 2023. Utvalet fordeler midlane på bakgrunn av innkomne søknadar, etter innstilling frå Kommunedirektøren. «Marsomgangen» er den første av to tildelingsrundar.

I søknad av 14.02.23 søker «Husastynet for Fagertun leirstad», v/ Bjart-Magnus Ndogo Rosvold, om kr. 21 200,- i tilskot til innkjøp av 2 stk. bordtennisbord med utstyr, til bruk på leirstaden. Budsjettet viser følgjande kostnader med innkjøpet:

• Bordtennisbord, 2 stk., av kr. 10 000,-	: kr. 20 000,-
• Nett (2 stk.)	: kr. 400,-
• Racket (4 stk.)	: kr. 400,-
• Bordtennisballar	: kr. 400,-
SUM	: kr. 21 200,-

Det går fram av søknaden at Fagertun leirstad er eigd av Norges Samemisjon, der husastynet har ansvaret for dagleg drift og vedlikehald.

Fagertun vert nytta i samband med leiarar og andre typar arrangement, og vert leigd ut til mange ulike organisasjonar, i følgje søkjar, med aktivitet heile året. I dette høvet samlar leirarrangementa mellom anna born og unge frå ulike stadar i Vaksdal kommune.

Husastynet ønskjer å auke aktivitetstilbodet for born og unge som deltek på leir, og søker difor om bygdeutviklingsmidlar. I dette høvet vil det bli klargjort eit eige lokale for bruk av bordtennisborda, i følgje søkjar.

Det vert opplyst at eigar har inntekter frå utleige av Fagertun. Drifta av leirstaden vert gjort på dugnad.

Formelt grunnlag:

- «Retningslinjer for tilskot til bygdeutvikling», vedtekne 26.05.20.
<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden vert funnen tilstrekkeleg opplyst for å kunne gjennomføre sakshandsaming.

I følgje retningslinjene skal bygdeutviklingsmidlane brukast til ålmennyttige føremål. Midlane skal kome mange til gode, og stimulere til aktivitet i bygdene, med levande bygdeliv.

Fagertun har eit tilbod som samlar mange ungdommar til leir, med ulike aktivitet- og opplevingstilbod, der innkjøp av bordtennisbord vil inngå som ei naturleg del av dette. Tiltaket vil leggje til rett for ny aktivitet, og soleis vere i tråd med føremålet som bygdeutviklingsmidlane skal fremje.

Tilbodet vil først og fremst vere til bruk for dei som deltek på leir eller andre arrangement, og i mindre grad bygdefolket. Men drifta av Fagertun medfører truleg aktivitet og tilleggsverdiar i Eksingedalen.

Det er ved tidlegare høve gjeve tilskot til innkjøp av bordtennisbord i regi av ungdomsklubbar,

med 100 % finansiering. Gjeldande søknad handlar om tilskot til ein leirstad som gjev inntekter til eigar gjennom utleige. Dette gjer at søknaden skil seg frå dei andre, der ungdommane sjølve står i bresjen for drifta (dugnad). Kommunedirektøren meiner difor det bør gjerast skilnadar i vurdering og sakshandsaming. I dette høvet er det naturleg å vente at eigaren sjølv, nyttar noko av leigeinntekta til å investere i utstyr, som bordtennisbord, for å styrkje aktivitetstilbodet. Det vert difor ikkje funne grunnlag for å finansierer innkjøpet med 100 %, som i dei andre sakene, men heller gje eit tilskot på kring 50 % av budsjettet.

I følgje retningslinene skal det leggjast opp til ei geografisk fordeling ved bruk av bygdeutviklingsmidlane i kommunen, med vekt på stader som ikkje har fått tildeling tidlegare. Eksingedalen har fått løyvingar fleire gonger, men sidan dei aller fleste bygdene har fått del i midlane, vert ikkje det geografiske omsynet tillagt sterk vekt.

På bakgrunn av ei samla vurdering gjer Kommunedirektøren framlegg om å løyve inntil kr. 10 000,- i tilskot til «Husastyret for Fagertun» for innkjøp av bordtennisbord. Tilskotet utgjer 47 % av budsjetterte kostnadar og kr. 11 200,- mindre enn kva det er søkt om.